



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**Savjet za lokalni ekonomski razvoj (SLER)**

---

Datum: 01.11.2014. godine

**ZAPISNIK**

sa druge sjednice **Savjeta za lokalni ekonomski razvoj (SLER)**

Vrijeme sjednice: 01.11.2014. godine od 10,00 do 12,25 sati.

Prisutno 12 članova SLER i to: Općinski načelnik (Suad Huskić), predsjednik SLER; Direktor "TRA" Agencije za razvoj općine Tešanj (Ismar Alagić); Pomoćnik općinskog načelnika za privredu, finansije, komunalne i inspeksijske poslove Hamzalija Hojkurić; Direktor JP "RAD" Tešanj (Mirsad Šaranović); Direktor Mješovite srednje škole Tešanj (Muharem Saračević); Šef poslovnice Zavoda za zapošljavanje - Biro Tešanj (Muharem Berberović); Direktor "Mann+Hummel" BA Tešanj (Mahmut Galijašević); Direktor "Nord Ent" d.o.o. Tešanj (Nazif Hamzić); Direktor "Hifa Oil" d.o.o. Tešanj (Venan Hadžismajlović-lao predstavnik); Direktor "Ascom" d.o.o. Tešanj (Ibrahim Krdžalić), Predsjednik udruženja privrednika "Biznis centar" Jelah-Tešanj (Mensur Krdžalić-kao predstavnik) i Predsjednica "Udruženje žena poljoprivrednica usorsko-tešanjskog kraja" (predstavnica žena poduzetnica i civilnog sektora).

Odsutni: Predsjedavajući Općinskog vijeća; Direktor "Alpina Bromy" d.o.o. Tešanj i Direktor "Klas" d.d. Sarajevo.

Ostali prisutni: Jasmin Adilović, GOLD PROJECT; Muhamed Džihic, predstavnik TRA, Edina Kadušić, potparol Općine i Mirnes Dedukić, zapisničar.

Predsjednik SLER otvara drugu sjednicu SLER i konstatuje da je na sjednici prisutno 12 članova SLER, te nakon toga čita predloženi dnevni red:

- 1. Usvajanje zapisnika sa prve sjednice SLER-a i informacija o realizaciji inicijativa predloženih na prvoj sjednici**
- 2. Informacija o izrađenom dokumentu Politika i procedure vođenja javno-privatnog dijaloga**
- 3. Predstavljanje BEAR inicijative (Teslić-Tešanj-Žepče)**
- 4. Predstavljanje rezultata analize metaloprerađivačkog i prehrambenog sektora**
- 5. Prijedlog novih inicijativa**
- 6. Informacija o predstojećim aktivnostima**
  - Plan rada SLER-a za 2015
  - GOLD projekt- najava poziva za podršku privatnom sektoru
  - BFC certifikacija
  - Proces usvajanja budžeta Općine Tešanj za 2015.

Prisutni nisu imali prijedloga za izmjenu i dopunu dnevnog reda, te je jednoglasno usvojen predloženi dnevni red.

**Tačka 1.**

**Usvajanje zapisnika sa prve sjednice SLER i informacija o realizaciji inicijativa predloženih na prvoj sjednici.**

**Ibrahim Krdžalić** ima primjedbe na zapisnik i to:

- da kod diskusije u tački 4. zapisnika gdje sotji “da u školama uče njemački jezik” da ne radi o generalno svim školama već o pojedinim branšama (npr. Tekstilna)...a u nastavku gdje je navedeno da školuje “10 ljudi” treba naglasiti da se radi o VSS ili višoj školskoj spremi”
- u tački 7. da se uputi inicijativa o promjeni naziva Zaničko-dobojski u tešanjско-Visočki kanton i to da nije bila podržana inicijativa. Smatra da navedeno nestoji jer se radilo o diskusiji, a ne inicijativi o kojoj se glasalo..

**S obzirom na sugestije na prvi zapisnik SLER je jednoglasno usvojio sljedeća dva zaključka, i to:**

#### **ZAKLJUČAK**

**Da će se u analizi obrazovanja, odnosno srednjeg obrazovanja i tržišta radne snage, uzeti u obzir prijedloge za izmjenu učenja stranog jezika i prijedloge za nastavak školovanja u tekstilnoj branši (nakon završene srednje škole).**

#### **ZAKLJUČAK**

**Da se u prvom zapisniku u zaključku broj 7. briše se konstatacija “nije bio podržan i nije uzet u razmatranje” te da se navede da će prijedlog biti uzet u razmatranje na nekim od narednih sjednica.**

**Mensur Krdžalić** ima primjedbe na zapisniku tački 2. da se ne navodi ime predsjednika udruženja, već da funkcija bude vezana za predsjednika udruženja bez navođenja imena.

**Jednoglasno je usvojen**

#### **ZAKLJUČAK**

**Da u zapisniku sa prve sjednice u tački 2. kod zaključka za izbor podpredsjednika SLERa, na kraju zaključka briše ime i prezime “Mensur Krdžalić”.**

Nakon usvojenih sugestija i prijedloga, te donesenih zaključaka za izmjenu i dopunu zapisnika, usvaja se zapisnik sa prve sjednice SLER-a.

#### **Tačka 2.**

**Informacija o izrađenom dokumentu Politika i procedure vođenja javno-privatnog dijaloga.**

**Predsjednik SLER-a** je informisao prisutne šta je tema dokumenata, da se radi o internim aktima Općine i TRA

**Nakon čega je SLER jednoglasno usvojio sljedeći**

#### **ZAKLJUČAK**

**Da se članovima SLER-a na mail dostavi Politika i procedure vođenja javno-privatnog dijaloga, te da članovi SLER-a dostave sugestije i prijedloge na dokumente do sljedeće sjednice SLER-a.**

#### **Tačka 3.**

**Predstavljanje BEAR inicijative (Teslić-Tešanj-Žepče)**

**Predsjednik SLER-a** upoznaje da je planirano da se SLER upozna sa bitnim projektima koji se provode, te daje riječ direktoru TRA Ismaru Alagiću da predstavi navedeni projekat.

**Direktor TRA** je prisutnima prikazao kratki film o projektu, a nakon filma objašnjeno je kako je došlo do saradnje Općine Tešanj sa GIZ-om i projektom BEAR, te šta se radilo u 2014. godini i šta su planovi za 2015. godinu.

**Predsjednik SLER-a:** Općina Tešanj se nametnula kao proaktivna, te je saradnja na BEAR projektu bitna, jer svako ima neka iskustva, npr. Žepče ima pozitivna iskustva sa proizvodnjom malina, Teslić

ima pozitivna iskustva u turizmu (banjsko lječilište), to su samo neki od razloga koje će dobro doći nama u Tešnju, a naravno da i drugi imaju šta učiti od nas, a sve to će doprinijeti zapošljavanju i novim radnim mjestima. EU nam je dala priznanje, samim tim što nam je omogućila da učestvujemo u projektu koji je vrijedan 440 hiljada eura nepovratnih sredstava.

Diskutovalo da se prikazani film na našem i engleskom jeziku postavi na web stranicu, nakon čega je Predsjednik SLER-a upoznao prisutne da je u pripremi youtube kanal na stranici Općine Tešanj te da će navedeni filmovi biti postavljeni.

**Jednoglasno je usvojen**

#### **ZAKLJUČAK:**

**SLER daje podršku BEAR, te da se u naredna tri mjeseca putem pisanih i usmenih prezentacija SLER informiše o projektu CO-BEAR.**

#### **Tačka 4.**

##### **Predstavljanje rezultata analize metaloprerađivačkog i prehrambenog sektora.**

Predsjednik upozna je prisutne da je bila inicijativa da se pripremi analiza po sektorima, pa je na osnovu toga ista pripremljena, te daje riječ direktoru TRA da predstavi analizu rezultata metaloprerađivačkog i prehrambenog sektora.

**Direktor TRA** je predstavio način mjerenja, firme koje su analizirane, rezultate i zaključke za provedno mjerenje.

**Mensur Krdžalić:** Analiza je potrebna i ovakve stvari pokazuju da idemo u dobrom pravcu, jer će se ovako evidirati problemi u preduzećima.

**Ruža Vlajković:** Iznosi podatke o rezultatima rada udruženja, prije svega prodaji mlijeka oko 2 miliona KM, te predlaže da se poticaji Općine usmjere ka tome da se osiguraju hladnjače kako za mlijeko tako i za voće. Smatra da se sa sredstvima iz Općine usmjere za nabavku hladnjače ili drugih sredstava za preradu, jer ne vrijedi proizvoditi bez prerade.

**Venan Hadžiselimović:** Predlaže da se članovima SLER-a dostavi urađena analiza, na osnovu koje će se na sjednici udruženja privrednika pokrenuti razgovori i vidove podrške npr. s proizvođačima vode.

Što se tiče hladnjača firma HIFA (oil) priprema hladnjaču kapaciteta od 2.000 tona koja će omogućiti dalji razvoj primarne poljoprivredne proizvodnje na prostoru općine Tešanj.

**Nazif Hamzić:** Predlaže da se uključe i drugi sektori npr. drvoprerađivački sektor i drugi.

**Mahmut Galijašević:** Da se dostavi analiza svima i da se analiza kvalitetno razmotri u vidu radionice koja bi se mogla realizirati i u prostoru Mann Hummela.

**Hamzalija Hojkurić:** Pored pomenutih sektora potrebno je analizirati i sektor građevinarstva, kako bi se i ovaj sektor unaprijedio, jer je dosta usitnjen i ima najviše prostora za unapređenje.

**Muharem Saračević:** Pohvalio analizu i istakao da bi obrazovanje trebalo pratiti potrebe i slične analize.

**Ibrahim Krdžalić:** Analiza je dobra, trebalo bi konkretizovati prijedloge, npr. osnivanje marketinške agencije koja bi popravila dizajn proizvoda u skladu sa standardima na tržištu.

**Nakon diskusija u jednoglasno je usvojen**

#### **ZAKLJUČAK**

**Da se analiza u konačnom tekstu dostavi u pisanom obliku svim članovima SLER-a i udruženju privrednika.**

**Predsjednik SLER-a:** Pojašnjava komentare u diskusiji u vezi poljoprivrede i potencijala za razvoj u poljoprivredi, te iznosi podatke o mehanizmu poticaja poljoprivredi zadnjih 10 godina, te je vršena analiza poticaja u zadnjih 5 godina, te da se analizira potreba za otkupom. Da se imaju podaci koliko su poljoprivrednici prodali voća registrovanim otkupljivačima, te da to bude osnov za poticaj. Samim tim da imamo organizovan sistem proizvodnje i otkupa. Analiza i novi model će se završiti i pripremiti prije usvajanja novog programa poticaja. Predlaže da se ne donose zaključci, već da se ove informacije prime k znanju, te da će se prije ovog modela razgovarati, kao i prije donošenja odluke o poticajima.

**Predsjednik SLER-a:** Prijedlog da se ne donosi zaključak, već da TRA prilikom analize obuhvati i druge sektore.

**Predsjednik SLER-a:** Predlže da se ne donosi zaključak u vezi radionice u Mann Hummelu, već da se uradi završni tekst analize i da nakon toga uzme u obzir održavnja radionice (možda do kraja 2014. godine).

### ZAKLJUČAK

**Da nakon što se analiza dopuni (sa predloženim sektorima) te nakon što bude verifikovana, dostavi u konačnom obliku svim članovima SLER-a i Udruženju privrednika. Osim toga dostaviti i plan aktivnosti u vezi iznesenih prijedloga.**

#### Tačka 5. Prijedlog novih inicijativa.

**Muharem Saračević:** Da se SLER upozna sa projektima infrastrukture koje provodi Općina Tešanj.

**Predsjednik SLER-a:** ova tačka je predviđena kao standardna tačka u okviru rada, a odnosi se na one teme za koje se smatraju da bi SLER trebao imati na razmatranju na narednim sjednicama.

**Nazif Hamzić:** Da se organizuju sastanci svih privrednika i Općine, pa da se razmotre trenutni projekti, npr. projekat odvodnje i tretmana otpadnih voda, kako bi se detaljnije upoznali sa planovima.

**Predsjednik SLER-a:** upoznaje prisutne o projektu odvodnje i tretmana voda, o tome da su iz imovinsko-pravne službe Općine uputili pozive svim vlasnicima parcela. U toku j projektovanje

**Jasmin Adilović:** Pojasnio da su inicijative bitne jer se tada iznose konkretni prijedlozi i potrebe, te iznalaze rješenja.

**Mensur Krdžalić:** Evidentna je potreba da se uradi rasvjeta u industrijskoj zoni Bukva, zbog broja ljudi koji tu rade i žive.

Potreba regulisanja korita rijeke Tešanjke kod SILK trade-a, gdje je gop. Kotorić ispravio tok rijeke, te da bi se takav primjer trebao primjeniti u cijelom toku rijeke kako bi se smanjile šanse za poplavama, kao i da se sagleda mogućnost otkupa zemljišta kod skretanja za Trepče, kako bi se regulisalo korito.

Potrebno je riješiti ulaz sa magistralnog puta u industrijsku zonu Ciglana, između posjeda bivše Ciglane i Ismeta Zeničanina.

**Jednoglasno je usvojen**

### ZAKLJUČAK

**Da se rasvjeta industrijske zone Bukva analizira kroz informaciju o infrastrukturnim planovima koja će biti do kraja godine.**

**Predsjednik SLER-a:** Pojašnjava da je Općina upoznata sa postupcima gosp. Kotorića, te da postoji plan uređenja korita, koji se dijelom realizuje kroz manje poduhvate i čišćenja (čišćenje kod škole u Medakovu, Raduši, Jablanica, Piljužići, kod Inžinjerina).

**Jednoglasno je usvojen**

**ZAKLJUČAK**

**Da se u saglasnosti sa vlasnicima omogući dalje uređenje korita rijeke Tešanjke u poslovnoj zoni Bukva.**

**Jednoglasno je usvojen**

**ZAKLJUČAK**

**Da se održi sastanak sa svim vlasnicima parcela koje graniče sa rijekom Tešanjkom, kako bi se osnažio proces regulacije korita rijeke Tešanjke.**

**Jednoglasno je usvojen**

**ZAKLJUČAK**

**Da se pročitati prethodni zaključak, te da se rasvjeta u industrijsku zonu Bukva i ulazak u industrijsku zonu Ciglana razmataju zajedno prilikom informacije o infrastrukturnim planovima koja će biti do kraja godine.**

**Ibrahim Krdžalić:** Da se ne rade odvojeno informacija o realizaciji inicijativa na početku dnevnog reda i na kraju dnevnog reda tačka nove inicijative, već da bi korisnije bilo da se informacija o realizaciji inicijativa i nove inicijative razmatraju zajedno (na kraju).

**Predsjednik SLER-a:** Da se ne izjašnjavamo, da se provjeri kako je regulisano Pravilnikom o radu SLER-a, nakon čega će se utvrditi prijedlozi za dalje. Prijedlog je prihvatljiv, potrebno je provjeriti da li podrazumijeva izmjenu poslovnika ili drugačiju praksu.

**Tačka 6.**

**Informacija o predstojećim aktivnostima:**

- **Plan rada SLER-a za 2015 - Jednoglasno je usvojen**

**ZAKLJUČAK**

**Poziv svim članovima da se uključe aktivno, te do narednog sastanka dostave prijedloge i sugestije za Plan rada SLER-a za 2015.**

- **GOLD projekt i najava poziva za podršku privatnom sektoru.**

**Jasmin Adilović:** Poziv za podršku je objavljen i traje, primaju se koncept note svaka tri mjeseca, a rok u drugom krugu je kraj novembra. Predlaže da se na mail listu na koju se šalju pozivnice za SLER, da se ista lista iskoristi i na nju dostave dodatne informacije o javnom pozivu.

**Jednoglasno je usvojen**

**ZAKLJUČAK**

**Da se javni poziv postavi na web stranici Općine Tešanj i TRA i da se javni poziv dostavi svim članovima SLER-a ( i udruženju privrednika).**

**Predsjednik SLER-a:** GOLD projekat će se predstaviti do kraja godine, kao danas BEAR.

- **BFC certifikacija** – prisutni upoznati sa procerurama koje se provode, a radi se o certificiranju da Općina ima dobro poslovno okruženje i saradnju sa poslovnim sektorom.
- **Proces usvajanja budžeta Općine Tešanj za 2015** – upoznati da je proces započet, da će se SLER-u dostaviti Nacrt kojeg usvoji Općinsko vijeće. Napomenuto je da se očekuje pad prihoda od vanjskih grantova, ali i realizacija nekih projekata (nova biblioteka...). Svi se pozivaju da učestvuju kada bude usvojen Nacrt.

ZAPISNIČAR  
Mirnes Dedukić

PREDSJEDNIK SLER-a  
mr.sc Suad Huskić